

民族精神 一集

實報叢書之七

民族精神

第一集

李

序

管翼賢

民族不競，國權不伸，九一八之序幕啓矣，一二八之戰端開矣！於是有淞滬協定塘沽協定，連續發生。國土任人佔領，權利任人剝削，廣大民衆，任人奴隸，人爲刀俎，我爲魚肉，國民昧昧冥冥，知之者不敢呻吟，不知者莫知痛苦，孱弱怯懦，至於此極，循斯以降，勢非使炎黃華胄，淪於萬劫不復之地不止。創鉅痛深，未有如今日之甚者。

去秋於舊京撝英番菜館與省黨委陳訪先同志談及此問題，陳氏毅然答謂，欲起沉疴，非奮振精神不可，君曷向民族精神方面着手乎，余贊佩之餘，歸而謀諸郭蓮青先生。郭治史學，著述極富，亦趨斯議。乃取古代先民特立獨行之事實，足以模範於後人者，蒐集若干篇，編成段落，逐日在實報披露，顏曰民族精神。積日累月，讀者多來函謂是篇可作教育參考材料，請另印單行本，以裨益社會人心，予乃窮數日之力，整理排比，并請蓮青先生詳加審訂，惟因係日報

披露之稿，次序仍一如報載，岳武穆之精忠報國，其民族觀念，實可楷模千古，用特冠諸篇首，所以示尊崇先賢也。

我國今日所需要之民族精神，依予之認識，當以不怕死爲第一要義，夷考數千年來，先民詔示吾人者，不爲不夥，外侮憑陵視死如歸者，有岳武穆之三字金牌，文天祥之仗義勤王，感激知遇以死報友者，有荆軻之易水悲歌，朱家郭解之濟急拯危。志切報國心堅金石者，有諸葛亮之鞠躬盡瘁，蘇子卿之誓持漢節，此外如祖士雅之擊楫中流，張子房之圯上納履，陶士行之運甓習勤，郭汾陽之爲國忘私，其事迹皆可歌可泣，假使後人，能推衍而光大之，何致演成今日之慘痛屈辱哉，惟其重視一己，對他人則視若秦越，遂使人民積體之國家，無形分離，而陷於九死將無一生之地，良可慨也。

而今而後，吾甚願國人步武先民不怕死精神，鼓其勇氣，迴其熱腸，就其力之所及，位之所在，以國家爲前提，以民族爲本位，一往直前，天助自助，爭求未來之新生命，庶不負本報編纂是篇之初意焉。

民族精神第一集目次

題目

頁數

岳飛受母教成名	一
岳飛神算破楊太	三
岳飛奉金牌班師	五
岳飛冤沈三字獄	七
勾踐兵敗爲俘虜	九
勾踐忍辱圖恢復	一一
勾踐立志雪前恥	一三
勾踐滅吳銷積恨	一五
祖遜聞雞聲起舞	一七

民族精神 目次

二

祖遜渡中流擊楫.....一九

祖遜銳意雪國恥.....二一

張良圯上遇黃石.....二三

周處倚勢逞蠻橫.....二五

周處痛心改前非.....二七

周處南山刺猛虎.....二九

周處水底鬥巨蛟.....三一

周處報國名千古.....三三

陶侃賴賢母成名.....三五

陶侃藉運甓習勞.....三七

蘇武牧羊北海邊.....三九

荆軻燕市逢知遇.....四一

荆軻利用樊於期.....四三

荆軻易水發悲歌.....	四五
荆軻仗義探龍宮.....	四七
荆軻捐軀報燕丹.....	四九
荆軻同調得死友.....	五一
郭子儀難中遇救.....	五三
郭子儀爲國忘私.....	五五
郭子儀恢復兩京.....	五七
郭子儀斷橋全師.....	五九
郭子儀單騎退虜.....	六一
文天祥抗志希古.....	六三
文天祥仗義勤王.....	六五
文天祥元營奉使.....	六七
文天祥節勵孤忠.....	六九

文天祥心堅鐵石.....七一

文天祥節凜冰霜.....七三

文天祥成仁取義.....七五

朱家郭解俠義風.....七七

諸葛亮應運崛起.....七九

諸葛亮計破曹兵.....八一

諸葛亮任重託孤.....八三

諸葛亮計服南蠻.....八五

諸葛亮上表伐魏.....八七

諸葛亮匠心獨運.....八九

墨子兼愛主弭兵.....九一

墨子絳帳坐春風.....九三

墨子門巧服魯班.....九五

岳飛受母教成名

左右開弓武術羣推神箭手

忠孝成性慈訓難忘刺背心

宋，岳飛，字鵬舉，河南湯陰縣人。相傳其生時，夜間父夢金翅鳥飛落房脊，又鄰舍望見岳家房上火光冲天而起，以爲失火，驚往撲救，及至則並無火光，房屋依然，衆皆驚異，而岳家報生子矣，一時父老咸謂此兒將來必能光宗耀祖，作一番轟轟烈烈驚天動地事業。岳飛生而穎悟，岐嶷不凡，舉動即不同常見，生而未幾，其父病死，家貧甚，倚其母十指爲生活資，及入塾讀書時，塾師爲老學究，夙知岳飛生時有種種靈異，又見其資稟英俊，乃改名爲飛，字鵬舉，以符夢兆。飛讀書聰悟非常，殫心學業，尤好左氏孫吳兵法，年未弱冠，即能挽弓三百斤，弩八石，湯陰有周侗者，以神射著名，見而異之，收爲弟子傳其技，飛朝夕就學，潛心精研，盡得其術，能左右射，當飛在學塾讀書時，以生有神力，與羣兒嬉戲於門，羣兒皆不敵，有受傷者，當然不免一場口舌，自此其母加以痛責，勉以立志求學成名，莫忘教國，




並用針在飛背上刺成「盡忠報國」四字，用墨塗之（見圖）俾便時刻不忘，嗣後飛性情舉動，一變而爲恂謹規矩，與成人無異，人無不歎岳家有佳兒，將來必有遠大希望，不知飛生具至性，人不能及，卽如學射於周侗，及侗死後，每逢朔望，必設祭其墓前，泣奠而返，足見天性真誠，對師如此，日後對國，其赤心自可推見，後於宣和四年，眞定宣撫劉韜募敢戰士，飛毅然應募，當是時，相有劇賊陶俊及賈進和爲患，飛請幹以百騎滅之，韜壯其請，乃允之，未幾，飛果獲勝，俊及進和皆被生擒，康王至相，飛被命招撫吉倩等賊，皆有功，都統制王彥渡河至新鄉，畏金兵盛不敢進，飛時奉調往，乃引所部力戰，奪其纛而歸，金人敗走遂棧新鄉，過數日，又與敵遇，飛單騎持丈八鐵矛，刺殺金驍將黑風大王，金人又敗走，飛由此以勇知名。

岳飛神算破楊太

因間用奇先聲寒賊膽

神機妙算刻期奏膚功

岳飛年少時相州留守宗澤，一見即知爲奇才，千古良將不能過，並授以陣圖，飛自此精求用兵之法，遂以知名，及徽欽二帝被金人挾迫北去，康王構卽位於南京，是爲宋高宗，時飛以統制上書言事，坐越職奪官，張所新任河北招討使飛往就之，所歎爲非行伍中人，補飛武經郎，兀朮趨杭州，飛率兵要擊廣德境中，六戰皆捷；金兵相謂：此岳爺爺軍，爭來降附。湖寇楊太時方猖獗，屢敗官兵，高宗知飛善用兵，授以清遠軍節度使，移兵往討，先時楊太恃其險，每大言曰，欲犯我者除是飛來，及飛兵至，遣使招諭，賊黨黃佐曰，岳節使號令如山，與戰萬無生理，遂降，飛單騎按其部，表授武義大夫，佐感泣誓死報，復遣還湖中，誘說餘黨，乘夜掩擊，降賊數萬，太猶負固不服，方浮舟湖中，以輪激水，行如鳥飛，飛令諸軍伐君山木爲巨筏，塞諸港灣，又以腐木亂草浮上流而下，使善罵者挑之，且行且罵，賊怒來追




，則舟輪爲草木壅積，礙不得行，飛急擊之，賊走港中，爲筏所拒，楊太勢蹙力窮，赴水死，（見圖）飛入賊壘，降衆凡二十餘萬，飛親行諸砦，慰撫之，縱老弱歸田，籍少壯爲軍，爲時僅八日，先是張浚至潭州，以楊太一時未易平，欲還防，飛袖小圖示之，且言公能少留八日，賊卽破，浚曰，何言之易，飛曰，以水寇攻水寇，因敵將用敵兵，奪其助，離其勢，自成孤立，八日必可成功，浚許之，及八日捷書至，浚驚爲神算，因問用兵之術，飛曰，知仁勇信嚴，缺一不可，又問天下何時太平，飛曰，文官不愛錢，武將不愛命，天下自然太平，浚深服其言，飛馭軍嚴整，軍號有撼山易，撼岳家軍難之語，又號凍死不拆屋，餓死不掠民，此可以知其軍令矣。

岳飛奉金牌班師

軍威震河朔拐子馬難恃所長

揮淚返旌旗飲黃龍徒存虛願

岳飛以神勇奇謀平楊太，宋高宗頗引爲奇功，召還朝，封少保，除樞密副使，並委以恢復中原全權，飛表謝，有「唾手燕雲，終欲復仇而報國，誓心天地，當令稽首以稱藩」之語，遂進軍河南，州郡望風迎降，駐節鄆城，兵威甚盛，金四太子兀朮合龍虎大王蓋天大王劉豫各路兵，領拐子馬來逼，飛令步卒以麻扎刀入陣，勿仰視，第砍馬足，拐子馬相連，一馬仆，二馬即不能行，遂大破之，兀朮大慟曰，自海上起兵，皆以此勝，今已矣！復益兵而進，飛連破之，父老百姓爭挽車牽牛，載糧供軍，頂盆焚香，迎候道左，自燕以南，金人號令不行，飛進軍朱仙鎮，語部屬曰，直抵黃龍府，與諸君痛飲，方刻期渡河，時秦檜當國，主張畫淮以北與金和，乃奏請班師，飛上言，金人銳氣沮喪，不復成軍，我豪傑向風，士卒用命，時不再來，機難輕失，檜大怒，一日下十二金字牌，嚴令退軍，飛憤惋泣下，東面再拜曰，十



年之功，廢於一旦，乃自鄆城引還，民遮馬痛哭，訴曰：我輩迎官軍，金人皆知，相公去，我輩何能復活，飛亦悲泣，取詔示之曰：吾不得擅留，哭聲震野，飛留五日，以待民徙，從而南者如市，飛奏請以漢土六郡閑地處之，（上圖即岳飛忍慟班師泣別民衆之情形）及飛還，河南新復各州郡，仍沒於金，當兀朮棄汴欲走時，有書生遮馬言曰：太子毋走，岳少保且退，兀朮問其說，書生曰：自古未有權臣在內，大將能立功於外者，岳少保且不免，安望成功，兀朮悟，遂留不去，未幾，宋兵果退。飛至鄂，力請解兵柄，不許，已而入朝，高宗問其欲解兵權意見，飛但拜謝而已。明文徵明題宋高宗賜岳飛手勅滿江紅詞，有念二帝返後，此身安屬，千載休談南朝錯，當時自怕中原復，眞洞見高宗心事。

岳飛冤沈三字獄

賣主求榮王鵬兒忍心反噬

助夫爲惡長舌婦辣手炙天

岳飛赤膽忠心，祇知顧宋，乃金牌十二，竟被召回，其動因蓋以秦檜一意勸高宗與金人和，金兀朮以岳飛進兵不已，乃遺檜書曰，汝朝夕以和請，岳飛方圖我河北，必殺飛始可議和，檜亦知飛以恢復中原迎還二帝爲職志，飛不死，和議終無成望，已且必及禍，遂力謀殺之，嗾其黨羅汝楫石俟萬何鑄等交章劾之，免職奉朝請，繼復密誘飛部曲有能訐告飛事者，與重賞，卒無一人應，最後乃謀令飛部屬自相攻發，因此株連飛父子，飛部將有王俊者，多奸計，號鵬兒，以姦貪厲爲張憲所抑，使人諭意，俊許諾，時張俊在鎮江，檜乃自爲狀付之，妄言張憲謀據襄陽，還飛兵柄，乃令張俊執張憲械京，被掠無完膚，竟不伏，檜矯詔召飛父子，大理寺對質，使者至飛第，飛笑曰，皇天后土，可表此心，遂與其子雲俱就獄，檜命何鑄周三畏鞠之語其反狀，飛裂裳以背示何周二，有舊涅盡忠報國四大字，深入膚理，旣而聞



實俱無驗，韓世忠心不平，詣檜詰問究竟，檜曰，飛子雲與張憲書，事雖不明，然其事體莫須有，世忠曰，莫須有三字，何以服天下，至歲暮而獄仍不決，一日檜在東窗，獨自沈吟，其妻長舌夫人王氏問知爲處置飛獄事，當卽向檜道，捉虎易，放虎難，這事何用遲疑不決，檜因王氏言，乃手書小紙付獄，卽報飛死，（野史記檜病重時，夢妻披髮吐舌兩鬼卒曳入室向檜道，東窗事發矣，檜驚醒遂號叫而死）子雲亦死，飛死時在大理寺獄內風波亭；（上圖卽岳飛風波亭歸天情形）庸飛家資，徙之嶺南，及孝宗時，詔復飛職，追封鄂王，號忠烈，謚武穆，子五人，雲隨飛死，其少子霖後帥廣州，道出章貢，父老率子弟來迎，垂淚曰，不圖今日復見公子，至今河南湯陰岳家，卽其嫡系，頗爲人所推重。

勾踐兵敗爲俘虜

復祖仇 吳子興師

求存國 越王屈膝

春秋時，有越國者，係夏少康之子无餘後裔，其地處揚州之域，据浙河之，濱與吳國疆界毗連，彼此互相攻伐，當越王允常死時，國新遭大喪，吳子闔廬認爲有機可乘，興兵攻越，允常子勾踐自將拒戰，兩軍在檣李地方正式接觸，當交仗之際，勾踐使罪囚排列三行，個個以刃自加於項，陸續自殺於陣前，吳兵相視駭怪，莫知其意，勾踐趁此時揮兵齊進，四面掩殺，吳兵大潰，越大夫靈姑浮在亂軍中看見闔廬飛馬逃走，急在後追擊，用戈刺去，傷闔廬足之小指，痛甚死於去檣李七里地曰陘，太子波早死，其子夫差立，（太子波娶齊女爲妻，女年少不知夫婦之樂，心切思齊，日夜哭泣，因此成病，闔廬爲起北門名曰望齊門，命女往遊其上，女登城遠望，只見雲天一色，烟樹蒼茫，益切悲思，病日加重，及死時告太子波道，如死者有知，必葬我虞山巔，可望見齊國魂魄，藉以少慰，闔廬憐之下，葬虞山巔未幾，太子波亦因悼妻病亡，乃立其子夫差爲嗣，閔盧伐越，敗死，夫差遂卽位）以祖父被越人擊傷身死，打算報仇，因係新喪，又以連年用兵，犧牲